

Uunga siunnersuut: Nunami sumiiffinni immikkut toqqakkani takornariartitsinermik inuussutissarsiorinissamut akuersissuteqartarneq pillugu inatsisartut inatsisaata nr. 19, 3. december 2012-imeersup allanngortinneqarnissaa pillugu Inatsisartut inatsisaat nr. xx, xx.

Xxxx-imeersoq

(Inatsisip atuuffigisaa sukisaarsaatigalugu aalisarnermut akuersissutinut sumiiffikkaanullu pilersaarutitut piginnaatitsissummik ilaqartilerlugu annertusitinneqassaaq)

(Inuussutissarsiornermut, Suliffeqarnermut, Niuernermit Nunanullu allanut Naalakkersuisoq)

Akissutitut allakkiaq

(Inuussutissarsiornermut, Suliffeqarnermut, Niuernermit Nunanullu allanut Naalakkersuisoq)

Aappassaaneerera

Takornariartitsinermut akuersissuteqartarneq pillugu inatsisip allanngortinnissaa pillugu Inatsisartut inatsisissaattut siunnersuutip aappassaaneerera sioqqullugu Naalakkersuisut sinnerlugit siunnersuummut tapersersuisoqarnera nuannaarutigalugu oqaatigissavara.

Aamma Inuussutissarsiornermut Ataatsimiititaliap isumaliutissiissutaa qujassutigissavara, tassani ataatsimiititaliap tamarmiusup isumaqatigiissutigalugu siunnersuutip akuersissutiginnissaa innersuussutigimmagu.

Sumiiffikkaani innuttaasut pisinnaatitaaffiisa qulakkeernissaat pillugit ataatsimiititaliap oqaaseqaatai Naalakkersuisut eqqumaffigaat, pisinnaatitaaffiillu taakku qulakkeernissaat inatsisip imarisaatut tusarniaasoqarnerani isumagineqassapput. Sumiiffikkaani pilersaarusiornermut oqartussaasoqarfik sumiiffikkaanut pilersaarummi sumiiffik takornariartitsinermut siunertamut aalajangiuppagu tusarniaasoqartitsisoqassaaq. Tamatuma saniatigut neqeroortitsinermut najoqqutanut missiliuut tusarniaassutigineqassaaq, sumiiffikkaani soqutigisarisaat taamaalillutik isumagineqassallutik.

Siunnersuutip akuersissutigineratigut akuersissuteqartarnermut inatsisit marluusut ataatsimut aqutarilerneru anguneqassapput, takornariartitsinermillu inuussutissarsiornerup ineriartortinneratigut inuiaqatigiinni siuariartorneq pilersinneqassalluni.

Taamatut oqaaseqarlunga siunnersuutip Inatsisartunut oqallisissiaaraa.